

舍利弗阿毘曇論

卷十六

四百十九
面四前

50903



光緒六年丙子二月日

皇圖

環

固

帝

漸

級

昌

御

日

增

輝

懋

輪

常

轉

山成州天安寺法金剛院置

松

樹

圖

印

舍利弗阿毗曇論卷第六

姚秦天竺三藏曇摩耶舍共曇摩崛多譯

非問分煩惱品之餘

何謂六依貪喜眼識色愛喜適意愛色欲染
相續現得希望當得曾得憶念過去變滅生
喜此謂初依貪喜耳鼻舌身意亦如是是名

六依貪喜何謂六依貪憂眼識色愛喜適意
愛色欲染相續現在不得恐未來不得曾得
憶念過去變滅生憂是名六依貪憂耳鼻舌
身意亦如是是名六依貪憂何謂六依貪捨
凡夫人眼見色生捨癡如小兒不觀過患不
知果報如是不知不分別色便捨是名六依



貪捨耳鼻舌身意亦如是是名六像貪捨何
謂六染於色中染聲香味觸法中染是名六染
何謂六樂於色中樂聲香味觸法中樂是名
六樂何謂復有六樂樂諸業樂語樂睡眠樂
聚集樂居宅樂調戲是名復有六樂

何謂六愛色聲香味觸法中愛是名六愛何
謂六恚色聲香味觸法中恚是名六恚

何謂六鈎色聲香味觸法中鈎是名六鈎
何謂六不護於色聲香味觸法中不護是名
六不護

何謂六諍根如世尊說諸比丘有六諍相應
當解解已勤修今斷

何謂六比丘瞋恚常念怨嫌於世尊不恭敬
尊重讚歎不以華香供養法僧亦是於戒
缺行荒行垢行告諸比丘若比丘瞋恚常念
怨嫌於眾僧中起瞋恚共諍緣諍令多眾生
損減使多眾生受苦天人衰耗告諸比丘如
是不善諍根觀自也末新當共和合懃精進

勇猛應斷不善言才告諸比丘如是不善諍
根觀自他斷已自心專念今不復生如是便
知得斷不善諍根復次比丘若懷恨焦熱若
嫉妬慳惜若詭欺姦非若求諸見他人說謗
常憶不捨若邪見邊見亦如是是名六諍根

何謂七共染若女人自思惟女身女形女相
女服飾女欲女音聲女瓔珞女人樂染此物
樂染此物已思惟外男身男形男相男服飾
男欲男音聲男瓔珞女人樂染此物樂染此
物已思惟和合緣和合故生喜樂貪著愛樂
女身樂和合已以如是故常不欲轉女身男
子自思惟若男身乃至常不欲轉男身亦如
是是名七共染何謂七共欲染有一好種姓
婆羅門往至如來所到已問訊却坐一面問
世尊曰瞿曇沙門自是梵淨行不世尊答婆
羅門若言正梵淨行者我是也以何緣故婆
羅門我梵淨行不缺不荒不垢穢婆羅門復

問瞿曇沙門梵淨行荒缺垢穢也世尊荅曰
梵淨行有荒缺垢穢婆羅門復問云何梵淨
行有荒缺垢穢世尊荅或有人言我是梵淨
行者雖不與女人交通然受女人澡浴衣服
案摩調身以爲喜樂以爲氣味告婆羅門言
是謂共欲染非清淨梵行有荒缺垢穢未脫
生老病死憂悲苦惱衆苦聚集我謂此未脫
於苦復次婆羅門或有人言我是梵淨行者
不與女人交通不受女人澡浴衣服案摩調身
然親近女人言說戲笑調弄以爲喜樂以爲
氣味告婆羅門言是謂共欲染清淨梵行有
荒缺垢穢未脫於生老病死憂悲苦惱衆苦

聚集我謂此未脫於苦復次婆羅門或有人
言我是梵淨行者不與女人交通不受女人
澡浴衣服案摩調身不親近女人言說戲笑
調弄然與女人對目相視以爲喜樂以爲氣
味告婆羅門言是謂共欲染非清淨梵行者
有荒缺垢穢未脫於生老病死憂悲苦惱衆
苦聚集我謂此未脫於苦復次婆羅門或有
人言我是梵淨行者不與女人交通不受女
人澡浴衣服案摩調身不親近女人言說戲
笑調弄不與女人對目相視然障外聞女人
音聲歌儻語笑涕哭以爲喜樂以爲氣味告
婆羅門言是謂共欲染非清淨梵行有荒缺

垢穢未脫於生老病死憂悲苦惱衆苦聚集
我謂此未脫於苦復次婆羅門或有人言我
是梵淨行者不與女人交通不受女人澡浴
衣服案摩調身不親近女人言說戲笑調弄
不與女人對目相視不於障外聞女人音聲
歌儻語笑啼哭然憶念女人曾共從事戲笑
言語相娛樂時以爲喜樂以爲氣味告婆羅門
言是名共欲染非清淨梵行者有荒缺垢穢
未脫於生老病死憂悲苦惱衆苦聚集我謂
此未脫於苦復次婆羅門或有人言我是梵
淨行者不與女人交通不受女人澡浴衣服
案摩調身不親近女人言說戲笑調弄不與

女人對目相視不於障外聞音聲歌儻語笑
啼哭不憶念女人曾共從事戲笑言語相娛
樂時然見長者或長者子以五欲具足相娛
樂時以爲喜樂以爲氣味告婆羅門言是名
共欲樂非梵淨行者有荒缺垢穢未脫於生
老病死憂悲苦惱衆苦聚集我謂此未脫於
苦復次婆羅門或有人言我是梵淨行者不
與女人交通不受女人澡浴衣服案摩調身
亦不親近女人言說戲笑調弄不與女人對
目相視不於障外聞女人音聲歌儻啼哭不
憶念女人曾共從事戲笑言語相娛樂時不
見長者及長者子以五欲具足相娛樂時然

願生天上故行梵淨行我以此戒以此道以
此苦梵淨行令我作天王或作輔臣以爲喜
樂以爲氣味告婆羅門言是謂共欲染非清
淨梵行者有荒缺垢穢未脫生老病死憂悲
苦惱衆苦聚集我謂此未脫於苦復次婆羅
門此七共欲染我觀於內心設當七共欲染
未斷我亦不自說有正梵淨行婆羅門以我
七共欲染斷故說有正梵淨行得無所畏是
名七共欲染

何謂七識住處或有衆生若干身若干想欲
界人或天此謂初識住處若有衆生若干身
一想若初生梵天是名第二識住處若有衆

生一身若干想光音天是名第三識住處或有衆生一身一想遍淨天是名第四識住處若有衆生無邊空處此名第五識住處若有衆生無邊識處此謂第六識住處若有衆生無所有處此謂第七識住處是名七識住處何謂七慢慢不如慢勝慢增上慢我慢邪慢慢中慢何謂慢若我勝心於彼貢高是名慢何謂不如慢彼不如我心於彼貢高是名不如慢何謂勝慢我與勝者等心於彼貢高勝是名勝慢何謂增上慢未得起得想心於彼貢高是名增上慢何謂我慢我有善法心於彼貢高是名我慢何謂邪慢若無善法心於

彼貢高是名邪慢何謂慢中慢若無他慢生
慢心於彼貢高是名慢中慢復次我慢若有
身見者心於彼生貢高是名我慢復次邪慢
若有邪見者心於彼生貢高名邪慢復次慢
中慢我於勝中勝貴中貴心於彼生貢高是
名慢中慢是名七慢

何謂七不敬若不恭敬佛不恭敬法不恭敬
僧不恭敬戒不恭敬定不恭敬慧不恭敬善
法是名七不恭敬

何謂七漏見斷漏忍辱斷漏親近斷漏離斷
漏調伏斷漏戒斷漏思惟斷漏是名七漏
何謂七怯弱法殺生竊盜邪婬妄語兩舌惡

口綺語是七怯弱法

何謂七動我當有我當無我色當有我色當
無我想當有我我想當無我非有想非無想當
有是名七動七自恃七求七模七作七生亦
如是竟七法

何謂世間八法利衰毀譽稱譏苦樂是名八法
何謂八非聖語若不見言見見言不見不聞
言聞聞言不聞不覺言覺覺言不覺不識言
識識言不識是名八非聖語

何謂八懈怠事若有懈怠比丘如是思惟我
今日入聚落乞食已我得麁細食不充足以
不足故令我羸瘦不樂經行坐禪我欲眠卧

懈怠比丘即便眠卧不能懃進爲未得欲得
未解欲解未證欲證是名初懈怠事復次比
丘如是思惟我今日入聚落中乞食得麁細
食充足身體重妨如肉囊盛錢不樂經行坐
禪我欲眠卧懈怠比丘即便眠卧不能懃進
爲未得欲得未解欲解未證欲證此謂第二
懈怠事復次懈怠比丘如是思惟我今日有
作務疲懈不樂經行坐禪我欲眠卧懈怠比
丘即便眠卧不能懃進爲未得欲得未解欲
解未證欲證此謂第三懈怠事復次懈怠比
丘如是思惟我明日當作務事當疲懈便不
樂經行坐禪我今務眠卧懈怠比丘即便眠

卧不能勤進為未得欲得未解欲解未證欲
證此謂第四懈怠事復次懈怠比丘如是思
惟我今日行來身體疲極不樂經行坐禪我
欲眠卧懈怠比丘即便眠卧不能勤進為未
得欲得未解欲解未證欲證此謂第五懈怠
事復次懈怠比丘如是思惟我明日當行身
必疲極便不樂經行坐禪我欲眠卧懈怠比
丘即便眠卧不能勤進為未得欲得未解欲
解未證欲證此謂第六懈怠事復次懈怠比
丘如是思惟我今患苦不樂經行坐禪我欲
眠卧懈怠比丘即便眠卧不能勤進為未得
欲得未解欲解未證欲證此謂第七懈怠事

復次懈怠比丘如是思惟我患瘡未久我身
羸弱不樂經行坐禪我欲眠卧懈怠比丘即
便眠卧不能勤進為未得欲得未解欲解未
證欲證是名八懈怠事

何謂八難處妨修梵行有佛出世如來無所
著等正覺明行足為善逝世間解無上士調
御丈夫天人師佛出世尊說寂靜滅盡離欲法
正趣至涅槃道或有眾生在地獄處是名初
難處妨修梵行復次佛出世如來無所著乃
至佛世尊說寂靜滅盡離欲法正趣至涅槃
道或有眾生在畜生處餓鬼處長壽天處若
邊地愚癡人若比丘比丘尼優婆塞優婆夷

所不至處是名乃至第五難處妨修梵行復
次佛出世如來無所著乃至佛世尊說寂靜
離欲法正趣至涅槃道或有衆生共生國中
然邪見倒見邪見倒見果報純熟故必生地
獄是名第六難處妨修梵行復次佛出世如
來無所著乃至佛世尊說寂靜滅盡離欲法
正趣至涅槃道或有衆生共生國中然聾盲
瘖瘂如羊手現語相不知說善惡業報是名
第七難處妨修梵行復次佛不出世不名如
來乃至佛世尊不說寂靜滅盡離欲法正趣
至涅槃道或有衆生在國中不聾盲瘖瘂亦
能分別善惡業報然不值佛世是名八難處

妨修梵行

八法竟

何謂九若干法緣若干界故生若干觸緣若干觸故生若干受緣若干受故生若干想緣若干想故生若干覺緣若干覺故生若干欲緣若干欲故生若干利養緣若干利養故生若干求緣若干求故生若干焦熱是名九若干法

何謂九愛本法緣愛故生求緣求故生利養緣利養故生所作緣所作故生欲染緣欲染故生堪忍緣堪忍故生慳惜緣慳惜故生積聚緣積聚故生愛護傷害捶打相繫閉共鬪諍是名九愛本法

何謂九衆生居或有衆生若干身若干想欲
界人天此謂初衆生居或有衆生若干身一
想謂初生梵天此謂第二衆生居處或有衆
生一身若干想謂光音天此謂第三衆生居處
或有衆生一身一想謂遍淨天此謂第四衆
生居處或有衆生無受無想謂無想此謂第
五衆生居處或有衆生無邊空處此謂第六
衆生居處或有衆生無邊識處此謂第七衆
生居處或有衆生無所有處此謂第八衆生
居處或有衆生非想非非想處是名九衆生居
何謂犯戒九過患悔悅不喜不除心苦散亂不
如實知見不解射不方便是名犯戒九過患

九法
竟

何謂十煩惱使見煩惱使疑煩惱使戒盜煩
惱使愛煩惱使瞋恚煩惱使嫉妬煩惱使慳
惜煩惱使無明煩惱使憍慢煩惱使掉煩惱
使是名十煩惱使

何謂十煩惱結見煩惱結疑煩惱結戒盜煩
惱結欲染煩惱結瞋恚煩惱結色染煩惱結
無色染煩惱結無明煩惱結慢煩惱結掉煩
惱結是名十煩惱結

何謂十想欲想瞋恚想害想貪想譏論想此
外想國土想卑想不善想若干想依貪想是
名十想

何謂十覺瞋恚覺害覺親里覺國土覺不死
覺他不覺識相應覺無慈相應覺依利養覺
依貪覺是名十覺

何謂十邪法邪見邪覺邪語邪業邪命邪進
邪定邪解脫邪智是名十邪法

何謂十惱若已侵生惱心今侵生惱心當欲
侵生惱心若我不愛喜適意者已利益生惱
心今利益生惱心當欲利益生惱心橫瞋生
惱心是名十惱

何謂十不善業道殺生竊盜邪淫妄言惡口
兩舌綺語貪恚邪見是名十不善業道
何謂十法成就墮地獄速如攬鉞殺生乃至

邪見此十法成就墮地獄速如攬錚
何謂十一心垢疑是心垢不思惟是心垢怖
是心垢悲是心垢惡是心垢睡眠是心垢過
精進是心垢軟精進是心垢無能是心垢若
干想是心垢著色是心垢何謂疑是心垢或
有人緣過去疑或我過去有我過去非有何
性我過去有何因我過去有若緣未來疑惑
我未來有我未來非有何性我未來有何因
我未來有若緣現在疑惑我現在有我現在
非有何性若現在有何因現在有諸衆生從何
處來去至何處若彼於世尊疑惑是佛世尊
非佛世尊善說法世尊非善說法世尊聲聞衆

善趣世尊聲聞衆非善趣行常行非常行苦
行非苦無我法非無我法寂滅涅槃非寂滅
涅槃有與無與有施無施有作無作有善惡
業果報無善惡業果報有今世無今世有後世
無後世有父母無父母有天無天衆生有化
生衆生非化生世有沙門婆羅門正趣正至
若今世後世自證知說世無沙門婆羅門正
趣正至若今世後世自證知說若於彼法疑
惑重疑惑究竟疑或心不決定猶豫二心疑
不了無量疑不盡非解說猶豫重猶豫究竟
猶豫是名疑是心垢何謂不思惟是心垢若
色聲香味觸法若衆生及法不正計校分別

等量憶念是名不思惟是心垢何謂怖是心
垢色聲香味觸法若衆生及法緣此畏怖究
竟畏怖驚愕毛豎色變是名怖是心垢何謂
悲是心垢若不善心起悲是名悲是心垢何
謂惡是心垢身口意惡是名惡是心垢何謂
睡眠是心垢若煩惱未斷沉沒在睡身不樂
身不調身不輕身不軟身不除是名睡若睡
若煩惱未斷沉沒在睡若欲眠憂懣眠鎮心
是名眠如是睡是名睡眠是心垢何謂過精
進是心垢若精進掉是名過精進是心垢何
謂軟精進是心垢若精進沒是名軟精進是
心垢何謂無能是心垢若心性弱是名無能

是心垢何謂若干想是心垢若衆生異事異
境界異初生異是名若干想是心垢何謂著
色是心垢若見色專著是名著色是心垢
是名十一心垢

何謂二十種身見或有人謂色是名我色中
我我是色有色是我有受想行識亦如是是
名二十種身見

何謂二十法成就墮地獄速如攬鉞自殺生
教他殺生乃至邪見教他邪見此二十法成
就墮地獄速如攬鉞

何謂二十一心垢希望是心垢瞋恚睡眠掉
悔疑惱害常念怨嫌懷恨焦熱嫉妬慳惜諂

詐姦欺無慙無愧矜高諍訟自高放逸慢增
上慢是名二十一心垢

何謂三十法成就墮地獄速如攬鋒自殺生
教他殺生讚歎殺生乃至自邪見教他邪見
讚歎邪見是名三十法成就墮地獄速如攬鋒
何謂三十六愛行內生十八愛行外生十八
愛行何謂內生十八愛行如世尊說因此有
此因彼而有如是因有是因有常因有不常
因有我當有彼我當有如是我當有異我當
有因得彼得如是得異得希望當有希望彼
當有希望如是當有希望異當有是名內生
十八愛行何謂外生十八愛行如世尊說是

因此有此是因彼而有是如是因有是異因
有是當因有是不當因有是我當有是彼我
當有是如是我當有是異我當有是因得是
如得是如是得是異得是希望當有是希望
彼當有是希望如是當有是希望異當有是
名外生十八愛行如是内生十八愛行如是
外生十八愛行是名三十六愛行
何謂四十法成就墮地獄速如攬鉞自殺生
教他殺生讚歎殺生見他殺隨其歡喜
自邪見教他邪見讚歎邪見見他邪見隨其
歡喜是四十法成就墮地獄速如攬鉞
何謂六十二見如梵網經說佛告諸比丘更

有餘法甚深微妙大法光明唯有賢聖弟子
能以此法讚歎如來何等是甚深微妙大法
光明賢聖弟子能以此法讚歎如來諸沙門
婆羅門於本劫本見末劫末見種種無數隨
意所說盡入六十二見本劫本見末劫末見
種種無數隨意所說盡不能出過六十二見
彼沙門婆羅門以何等緣於本劫本見末劫
末見種種無數各隨意說盡入此六十二見
無有能過諸沙門婆羅門於本劫本見種種
無數各隨意說盡入十八見中本劫本見種
種無數各隨意說盡皆不能過十八見中諸
沙門婆羅門以何等緣於本劫本見種種無

數各隨意說盡入十八見中無有能過諸沙
門婆羅門於本劫本見起常論言我及世間
常存此盡入四見中於本劫本見言我及世
間常存盡入四見中無有能過諸沙門婆羅
門以何等緣於本劫本見起常論言我及世
間常存此盡入四見中無有能過或有沙門
婆羅門種種方便入定意三昧以三昧心憶
二十成劫敗劫彼作是說我及世間是常此
實餘虛妄所以者何我以種種方便入定意
三昧以三昧心憶二十成劫敗劫其中衆生
不增不減常聚不散我以此知我及世間是
常此實餘虛妄此是初見諸沙門婆羅門因

此於本劫本見計我及世間是常於四見中
無有能過或有沙門婆羅門種種方便入定
意三昧心以三昧心憶四十成劫敗劫彼作
是說我及世間是常此實餘虛妄所以者何
我以種種方便定意三昧以三昧心憶四十
成劫敗劫其中衆生不增不減常聚不散我
以此智我及世間是常此實餘虛妄此是二
見諸沙門婆羅門因此於本劫本見計我及
世間是常於四見中無有能過或有沙門婆
羅門以種種方便入定意三昧以三昧心憶
八十成劫敗劫彼作是言我及世間是常此
實餘虛妄所以者何我以種種方便入定意

三昧以三昧心憶八十成劫敗劫其中衆生
不增不減常聚不散我以此智我及世間是
常此實餘虛妄此是三見諸沙門婆羅門因
此於本劫本見計我及世間是常於四見中
無有能過或有沙門婆羅門有捷疾相智善
能觀察以捷疾相智方便觀察謂爲審諦以
已所見以已辯才作是說言我及世間是常
此實餘虛妄此是四見諸沙門婆羅門因此
於本劫本見計我及世間是常於四見中無
有能過此沙門婆羅門於本劫本見計我及
世間是常如是一切盡入四見中我及世間
是常於此四見中無有能過唯有如來知見

見處如是持如是執亦知報應如來所知又
復過是雖知不著以不著則得寂滅知愛集
滅味過出要以平等觀無餘解脫故名如來
是名餘甚深微妙大法光明使賢聖弟子真
實平等讚歎如來

復有餘甚深微妙大法光明使賢聖弟子真
實平等讚歎如來何等法。是諸沙門婆羅門
於本劫本見起論言我及世間亦常亦無常
諸沙門婆羅門因此於本劫本見計我及世
間半常半無常於四見中無有能過或有過
時此劫始成有餘衆生福盡命盡行盡從光
音命終生空梵宮中便於彼處生愛著心復

願餘衆生共生此處此衆生既生愛著願已
復有餘衆生命行福盡於光音命終來生此
空梵宮中其先生衆生便作是念我於此處
是梵大梵我自然有無能造我者我盡知諸
義典千世界於中自在最爲尊貴能爲變化
微妙第一爲衆生父我獨先有餘衆生後來
後來衆生我所成其後衆生復作是念彼
是大梵彼能自造無造彼者盡知諸義典千
世界於中自在最爲尊貴能爲變化微妙第
一爲衆生父彼獨先有後有我等我等衆生
彼所化成彼梵衆生命行盡已來生此間漸
已長大剃除鬚髮出家被法服修梵志行入

定意三昧隨三昧心自識本生便作是言彼
大梵者能自造作無造彼者盡知諸義典千
世界於中自在最爲尊貴能爲變化微妙第
一爲衆生父常住不變而彼梵化作我等我
等無常變易不得久住是故當知我及世間
亦常亦無常此實餘虛妄是謂初見諸沙門
婆羅門因本劫本見起論亦常亦無常於此
四見中無有能過或有衆生喜戲笑懈怠數
數戲笑以自娛樂戲笑娛樂時身體疲極便
自失意以失意故便命終來生此間漸已長
大剃除鬚髮出家被法服修梵志行入定意
三昧以三昧力自識本生便作是言彼餘衆

生不數數戲笑娛樂常在彼處常住不變由我
數數戲笑故致此無常變易法是故知我及
世間亦常亦無常此實餘虛妄是名第二見
諸沙門婆羅門因本劫本見起論我及世間
亦常亦無常於此四見中無有能過或有衆
生展轉相視相視已便自失意由此命終來
生此間漸已長大剃除鬚髮出家被法服修
梵志行入定意三昧以三昧力識本所生便
作是言如彼衆生以不展轉相視不失意故
常住不變由我等數數相視故便失意致此
無常變易法我以是我及世間亦常亦無
常此實餘虛妄是名第三見諸沙門婆羅門

因本劫本見起論我及世間亦常亦無常於
此四見中無有能過或有沙門婆羅門捷疾
相智善能觀察以捷疾相智觀察已言我及
世間亦常亦無常此實餘虛妄是名第四見
諸沙門婆羅門因本劫本見起論我及世間
亦常亦無常於此四見中無有能過諸沙門
婆羅門於本劫本見起論我及世間亦常亦
無常盡入四見中無有能過唯佛能知此見
處如是持如是執亦知報應如來所知復過
於是雖知不著以不著則得寂滅知愛集滅
味過出要以平等觀無餘解脫故名如來是
名餘甚深微妙大法光明使賢聖弟子讚歎

如來

復有餘甚深微妙大法光明使賢聖弟子真實平等讚歎如來何等是法諸沙門婆羅門於本劫本見起論我及世間有邊無邊諸沙門婆羅門因本劫本見起論我及世間有邊無邊於此四見中無有能過或有沙門婆羅門種種方便入定意三昧以三昧力觀世間起邊想彼作是說此世間有邊是實餘虛妄所以者何我以種種方便入定意三昧以三昧力觀世間有邊是故知世間有邊此實餘虛妄是名初見諸沙門婆羅門因本劫本見起論我及世間有邊於四見中無有能過或

有沙門婆羅門種種方便入定意三昧以三
昧力觀世間起無邊想彼作是言世間無邊
此實餘虛妄所以者何我以種種方便入定
意三昧以三昧力觀世間無邊是故知世間
無邊此實餘虛妄是名第二見諸沙門婆羅
門因本劫本見起論我及世間無邊於此四
見中無有能過或有沙門婆羅門種種方便
入定意三昧以三昧力觀世間觀上方有邊
四方無邊彼作是言世間有邊無邊此實餘
虛妄所以者何我以種種方便入定意三昧
以三昧力觀上方有邊四方無邊是故我知
世間有邊無邊此實餘虛妄是名第三見諸

沙門婆羅門因本劫本見起論我及世間有
邊無邊於此四見中無有能過或有沙門婆
羅門有捷疾相智善能觀察彼以捷疾相智
觀察已言我及世間非有邊非無邊此實餘
虛妄是名第四見諸沙門婆羅門因本劫本
見起論我及世間非有邊非無邊此實餘虛
妄於此四見中無有能過諸沙門婆羅門於
本劫本見起論我及世間有邊無邊盡入四
見中無有能過唯佛能知此見處如是持如
是執亦知報應如來所知又復過是雖知不
著以不著則得寂滅知受集滅味過出要以
平等觀無餘解脫故名如來復有餘甚深微

妙大法光明使賢聖弟子真實平等讚歎如來
復有餘甚深微妙大法光明使賢聖弟子真
實平等讚歎如來何等是餘甚深微妙大法
光明使賢聖弟子真實平等讚歎如來諸沙
門婆羅門於本劫本見異問異答諸沙門婆
羅門因本劫本見異問異答於此四見中無
有能過或有沙門婆羅門作如是論作如是
見我不知有善惡業報耶無善惡業報耶我
不見不知故若言有善惡業報若言無善惡
業報者世有沙門婆羅門廣博多聞聰明智
慧常樂閑靜機辯精微世所尊重能以智慧
善分別諸見設當問我諸見深妙義者我不

能答則有慙愧我心懷恐怖當以是答以爲
歸依爲洲爲舍爲究竟道若彼問者當以是
答此事如是非也此事實非也此事異非也
此事非異非不異非也是名初見諸沙門婆
羅門因此問異答異於此四見中無有能過
或有沙門婆羅門作如是論作如是見我不
見不知爲有他世耶無他世耶世間有諸沙
門婆羅門以天眼及他心智在遠處能見我
我若近猶不能見如是人能知有他世無他
世我不知不見有他世無他世若我說者則
爲妄語我畏妄語故以爲歸依爲洲爲舍爲
究竟道彼設問者當以是答此事如是非也

此事實非也此事異非也此事非異非不異
非也是名第二見諸沙門婆羅門因此問異
答異於此四見中無有能過或有沙門婆羅
門作如是見作如是論我不知不見何者善
何者不善我不知不見故若言是善是不善
我則生愛從愛生恚有愛有恚則有受生我
欲滅受惡畏受故以爲歸依以爲洲爲舍爲
究竟道彼設問者當以是答此事如是非也
此事實非也此事異非也此事非異非不異
非也是名第三見諸沙門婆羅門因此問異
答異於此四見中無有能過或有沙門婆羅
門愚冥闇鈍愚冥闇鈍故他有問者便隨他

言答此事如是非也。此事實非也。此事異非也。此事非異非不異非也。是名四見。諸沙門婆羅門因此異問，異答於此四見中，無有能過諸有沙門婆羅門於本劫本見異問，異答盡入四見中，無有能過。唯佛能知此見處，如是持如是執，亦知報應如來所知。復過於是，雖知不著，以不著則得寂滅，知受集滅味過出，要以平等觀，無餘解脫，故名如來。是為甚深微妙大法，光明使賢聖弟子真實平等讚歎如來。復有餘甚深微妙大法，光明使賢聖弟子真實平等讚歎如來。何等是餘甚深微妙大法。

光明使賢聖弟子真實平等讚歎如來諸沙
門婆羅門於本劫本見謂無因而有此世間
彼盡入二見中諸沙門婆羅門因本劫本見
無因而有此世間於此二見中無有能過彼
諸沙門婆羅門以何因緣於本劫本見謂無
因而有於此二見中無有能過或有衆生無
想無受若彼衆生起想則便命終來生世間
漸以長大剃除鬚髮出家被法服修梵志行
入定意三昧以三昧力見本想生便作是念
我本無有想自然有此是無因而有此世間此
實餘虛妄是名初見諸沙門婆羅門因本劫
本見謂無因而有於此二見中無有能過或

有沙門婆羅門有捷疾相智善能觀察彼以
捷疾相智觀察已如是說此世間無因而有
此實餘虛妄是名第二見諸沙門婆羅門因
本劫本見無因而有此世間於此二見中無
有能過諸沙門婆羅門於本劫本見無因而
有盡入二見中無有能過唯佛能知此見處
乃至無餘解脫故名如來亦如上所說諸沙
門婆羅門於本劫本見中無數種種隨意所
說彼盡入十八見中諸沙門婆羅門因本劫
本見無數種種隨意所說於此十八見無有
能過唯佛能知此見處乃至無餘解脫故名
如來亦如上所說

復有餘甚深微妙大法光明唯有賢聖弟子
能以此法讚歎如來何等是甚深微妙大法
光明賢聖弟子能以此法讚歎如來諸沙門
婆羅門於末劫末見無數種種隨意所說彼
盡入四十四見中末劫末見種種無數隨意
所說於四十四見無有能過諸沙門婆羅門
以何因緣於末劫末見種種無數隨意所說
於四十四見無有能過諸沙門婆羅門於
末劫末見有想論謂想是我是世盡入十六
見中於末劫末見有想論謂是我是世於十
六見中無有能過諸沙門婆羅門以何因緣
於末劫末見有想論謂想是我是世盡入十

六見中無有能過或有沙門婆羅門作如是
論色是我想是世命終已我不復有此實餘
虛妄是名初見諸沙門婆羅門因末劫末見
有想論謂想是我是世於十六見中無有能
過復有言非色是我想是世命終已我不復
有此實餘虛妄是名二見復有言有色無色
是我想是世命終已我不復有此實餘虛妄
是名三見復有言非有色非無色是我想是
世命終已我不復有此實餘虛妄是名四見
復有言我是有邊想是世命終已我不復有
此實餘虛妄是名五見復有言我是無邊想
是世命終已我不復有此實餘虛妄是名六

見復有言我有邊無邊想是世命終已我不
復有此實餘虛妄是名七見復有言我非有
邊非無邊想是世命終已我不復有此實餘
虛妄是名八見復有言我一向樂想是世命
終已我不復有此實餘虛妄是名九見復有
言我一向苦想是世命終已我不復有此實
餘虛妄是名十見復有言苦樂是我想是世
命終已我不復有此實餘虛妄是名十一見
復有言不苦不樂是我想是世命終已我不
復有此實餘虛妄是名十二見復有言一想
是我想是世命終已我不復有此實餘虛妄
是名十三見復有言若干想是我想是世命

終已我不復有此實餘虛妄是名十四見復
有言少想是我想是世命終已我不復有此
實餘虛妄是名十五見復有言無量想是我
想是世命終已我不復有此實餘虛妄是名
十六見諸沙門婆羅門於末劫末見有想論
謂是我想是世於此十六見中無有能過唯
佛能知此見處乃至無餘解脫故名如來亦
如上所說復有餘甚深微妙大法光明唯有
賢聖弟子能以此法讚歎如來何等是甚深
微妙大法光明賢聖弟子能以此法讚歎如
來諸沙門婆羅門於末劫末見有無想論謂
無想是我是世彼盡入八見中於末劫末見

有無想論謂無想是我是世彼盡入八見中
無有能過或有沙門婆羅門作如是論色是
我無想是世命終已我不復有此實餘虛妄
是名初見諸沙門婆羅門因末劫末見有無
想論謂無想是我是世於此八見中無有能
過復有言非色是我無想是世命終已我不
復有此實餘虛妄是名二見復有言有色無
色是我無想是世命終已我不復有此實餘
虛妄是名三見復有言非有色非無色是我
無想是世命終已我不復有此實餘虛妄是
名四見復有言我是有邊無想是世命終已
我不復有此實餘虛妄是名五見復有言我

非是有邊無想是世命終已我不復有此實
餘虛妄是名六見復有言我有邊無邊無想
是世命終已我不復有此實餘虛妄是名七
見復有言我非有邊非無邊無想是世命終
已我不復有此實餘虛妄是名八見諸沙門
婆羅門因末劫末見有無想論謂無想是我
是世彼盡入八見中唯佛能知此見處乃至
無餘解脫故名如來亦如上所說
復有餘甚深微妙大法光明唯有賢聖弟子
能以此法讚歎如來何等是甚深微妙大法
光明賢聖弟子能以此法讚歎如來諸沙門
婆羅門因末劫末見有非想非無想論謂非

想非無想是我是世彼盡入八見中因末劫
末見有非想非無想論謂非想非無想
是我是世彼盡入八見中無有能過或有
沙門婆羅門作如是論色是我非想非無想
是世命終已我不復有此實餘虛妄是名初
見諸沙門婆羅門因末劫末見有非想非無
想論謂非想非無想是我是世於八見中無
有能過復有言非色是我非想非無想是世
命終已我不復有此實餘虛妄是名二見復
有言有色無色是我非想非無想是世命終
已我不復有此實餘虛妄是名三見復有言
非有色非無色是我非想非無想是世命終

已我不復有此實餘虛妄是名四見復有言
非有色非無色是我非想非無想是世命終
已我不復有此實餘虛妄是名五見復有言
我非是有邊非想非無想是世命終已我不
復有此實餘虛妄是名六見復有言我有邊
無邊非想非無想是世命終已我不復有此
實餘虛妄是名七見復有言我非有邊非無
邊非想非無想是世命終已我不復有此實
餘虛妄是名八見諸沙門婆羅門因末劫末
見有非想非無想論謂非想非無想是我是
世彼盡入八見中無有能過唯佛能知此見
處乃至無餘解脫故名如來亦如上所說

復有餘甚深微妙大法光明唯有賢聖弟子
能以此法讚歎如來何等是甚深微妙大法
光明賢聖弟子能以此法讚歎如來諸沙門
婆羅門因末劫末見有斷滅論說衆生斷滅
無餘彼盡入七見中因末劫末見有斷滅論
說衆生盡無餘於七見中無有能過諸沙門
婆羅門以何因緣於末劫末見有斷滅論說
衆生斷滅無餘於七見中無有能過或有沙
門婆羅門作如是論作如是見我身四大入
從父母生乳哺衣食長養摩捫擁護然是無
常必歸摩滅齊是我斷滅是名初見諸沙門
婆羅門因末劫末見有斷滅論說衆生斷滅

於七見中無有能過或有沙門婆羅門作是
論此不得名斷滅我欲界天斷滅無餘滅齊
是我斷滅是名二見復有沙門婆羅門作是
論此不名斷滅色界化身諸根具足斷滅齊
是謂我斷滅無餘是名三見復有言此不名
斷滅無色空處斷滅齊是謂我斷滅無餘是
名四見復有言此不名斷滅無色識處斷滅
齊是謂我斷滅無餘是名五見復有言此不
名斷滅無色不用處斷滅齊是謂我斷滅無
餘是名六見復有言此不名斷滅無色非有
想非無想處斷滅齊是謂我斷滅無餘是名
七見諸沙門婆羅門因此於末劫末見言此

衆生類斷滅無餘於此七見中無有能過唯
佛能知此見處乃至無餘解脫故名如來亦
如上說

復有餘甚深微妙大法光明唯賢聖弟子能
以此法讚歎如來何等是甚深微妙大法光
明賢聖弟子能以此法讚歎如來諸沙門婆
羅門因末劫末見現在有泥洹論說衆生現
在有泥洹彼盡入五見中因末劫末見說現
在有泥洹於五見中無有能過諸沙門婆羅
門何因緣於末劫末見說衆生現在有泥洹
於五見中無有能過或有沙門婆羅門作是
見作是論我盡現在五欲自恣齊是我得現

在涅槃是名初見諸沙門婆羅門因未劫未見謂我現世得涅槃謂衆生現在有涅槃論於五見中無有能過復有諸沙門婆羅門作是說此不名現在涅槃復有現在涅槃微妙第一汝所不知獨我能知如離欲惡不善法有覺有觀離生喜樂成就初禪行齊是謂我得現在涅槃是名二見復有沙門婆羅門作如是說此不名現在涅槃復有現在涅槃微妙第一汝所不知獨我能知如滅有覺慧內淨信一心無覺無觀定生喜樂成就二禪行齊是謂我現在得涅槃是名三見復有沙門婆羅門作是說此不名現在涅槃復有現在

涅槃微妙第一汝所不知獨我能知如離喜
捨行念正智身受樂如諸聖人解捨念樂行
成就三禪行齊是現在得涅槃是名四見復
有沙門婆羅門作是說此不名現在涅槃復
有現在涅槃微妙第一汝所不知獨我能知
如能斷樂斷苦先滅憂喜不苦不樂捨念淨
成就四禪行齊是謂我現在得涅槃是名五
見諸沙門婆羅門因未劫未見有現在涅槃
論於此五見中無有能過唯佛能知此見處
乃至無餘解脫故名如來亦如上說是諸沙
門婆羅門因未劫未見種種起見隨意所說
於此四十四見中無有能過唯佛能知此見

處乃至無餘解脫故名如來亦如上說諸沙
門婆羅門因本劫本見末劫末見種種起見
隨意所說盡入此六十二見中因本劫本見
末劫末見種種起見隨意所說於六十二見
中無有能過唯佛能知此見處乃至無餘解
脫故名如來亦如上說諸沙門婆羅門因於
本劫本見有常論說我世間是常諸沙門婆
羅門於此生智謂異信異欲異聞異緣異覺
異見異定異忍因此生智彼以布現則名受了
至現在涅槃亦復如是諸沙門婆羅門生常
論世間是常彼因受緣愛生愛而不自覺知
染著於愛為愛所伏乃至現在涅槃亦復如

是諸沙門婆羅門因本劫本見言世間是常
彼緣觸故若離觸緣而立論者無有是處乃
至現在涅槃亦復如是諸沙門婆羅門因本
劫本見末劫未見各隨意所見說盡入六十
二見中各隨所見說盡依在中無有能過如
捕魚師以網網覆小池土當知池中水性之
類皆入網中無有避處諸沙門婆羅門亦如
是因本劫本見末劫未見種種所說盡入六
十二見中無有能過是名六十二見此是煩
惱結使繫縛衆生取於生老病死憂悲苦惱
衆苦聚集法不得解脫

舍利弗阿毗曇論卷第十六

面

調戲上徒反 誹謗上芳尾反 澡滌二同音早 娛樂

上音 愚怯同 協弱上正作 羸瘦上力垂反 驚愕下吾各反

攬鉉上鹿筭反 舊音七 薨惜上都鄧徒登

捷疾上才反 不著亦作 乳哺下音 捕音



